

^{1. N. 7.}
DISPUTATIO THEOLOGICA,
in qua
FIDEM PARADISIACAM
DE
MYSTERIO IN-
CARNATIONIS,
VERE PRIMAM
VERE CATHOLICAM,

Ex Genes. III.

Quam

SUB PRÆSIDIO

VIRI

Summe Reverendi, Magnifici, Amplissimi, Excellentissimique.

DN. JOH. Deutschmanns /

SS. Theol. Doct. Consummatissimi, P. Publ. Primarii

longe celeberrimi, Totius Acad. Sen. Maximè Venerandi,

Templi OO. SS. Præpositi optime meriti, & Alumn.

Elect. Ephori Gravissimi,

Domini Patroni, Præceptoris, Studio-

rumque suorum Promotoris, omni observantia cultu ad

cineres usque humillimè prosequendi,

defendet

M. JOH. JODOCUS WÜNSCHE,

Groschön Lusat.

In Auditorio Majori

D. 14. Martii. Ao. 1701.

Hora II. Pomeridiana

WITTEBERGÆ, Stanno HARIANO.

Coll. diss. A
161, 8

591. A. 161(8)

≠. ≡. ≡

V I R I S

MAGNIFICIS, GENEROSO, NOBILISSIMIS, EXCELLENTIS-
TISSIMIS, AMPLISSIMIS, CONSULTISSIMIS,
SPECTATISSIMIS

PATRIBUS
INCLUTÆ ZITTAVIENSIIUM

REIPUBLICÆ

CONSCRIPTIS

DE BONO PUBLICO LONGE MERITISSIMIS

DN. MECOENATIBUS

atqve

PROMOTORIBUS OPTU-
MIS MAXUMIS

hocce studiorum Academicorum
specimen, eâ, quâ par est, animi
devotione.

D. D. D.

Respondens:



DE VERITATE MYSTERICI PARADISIACAE REVELATIONIS
IN NOMINE JESU!
FIDES PARADISIACA,
DE
MYSTERIO INCARNATIONIS,
VERE PRIMA,
VERE CATHOLICA.
EX GENES. III.

Historia *Paradisiacae revelationis*, Memoria *Divinae Mysteriorum Patefactionis*, Aurifodina *Theologica cognitionis*, seu *Professionis*, & *Gloria Catholicae Confessionis*. Si verba respicimus, accurata *Mysteriorum Omnium Synopsis* in iis reperitur: si verborum *sensum* conferimus, integrum *Theologiae Systema* convenienter ibidem invenitur. Tres sunt totius *Theologiae partes*, *Doctrina de Fine*, quoad *Theologiam* specialiter ita dictam, cum in eadem agatur de *summo Fine*, *DEO Glorioso*, vel *Ejus Fruitione*: *Doctrina de Subiecto*, vel *Hominem*, quoad *Anthropologiam*, tum quoad *statum creationis*, tum quoad *statum reparationis*: *Doctrina de Mediis*, in *Oeconomia salutis*, quomodo, vel quibus mediis, Homo possit ad *DEUM* pervenire, suumque *Finem Ultimum*, & *Optimum*, invenire. *Doctrina de DEO* planissime, plenissimeque traditur in *Historia Paradisi*, quod ex unico *Cap. II. Genes.* prolixè *Duobus Tractatibus*, *De Jehova Elobim Creatore*, & *Conservatore*, demonstravimus. *Anthropologia* pariter, quoad omnes *Status Hominis* in *Historia Paradisi* traditur. Nam quoad *Statum integritatis*, vel *primæ perfectionis*, & ipsam *Imaginem Divinam*, propria *sedes*, *C. I. & II. Genesios* exhibetur: Quoad *Statum Corruptionis* historia manifesta legitur, *Cap. III. i. seqq.* Quoad Sta-

2 DE VERITATE MYSTERIO INCARNATIONIS

tum *restorationis*, ipse *Deus restorationis* humanae tum *Autor*, tum *Doctus* factus est. v. 9. seqq. Quoad *Status* *Glorificationis aeternae* tum *intenditur*, Gen. II, 7. tum *attenditur*, v. 17. tum *post lapsum* per *veram fidem* in *Evangelica* *seminis* *mulieris* *promissione*, *peccatorum* *remissione*, ad eam *contenditur*. *Oeconomia Status Integritatis*, c. II. in primis, v. 17. *Status* *Corruptionis*, Cap. III. 1. seqq. *Status* *autem* *gratiosae* *reparationis* in *processu* *penitentiali*, vel *Nomathetico - Evangelico*, Cap. III. 7. seqq. luculenter ostenditur, *Conf. Theologia Nostra Paradisiaca*, juxta C. I. & II. *Genes.* *Fontes* *autem* *totius* *scripturae*, *totius* *Theologiae*, *totius* *Fidei* *Catholicae*, C. III. piis indagatoribus offert. Nos missis aliis *Mysteriis* *Christiane* *Religionis*, modo solum *Mysterium* *Incarnationis* *devotis* *meditationibus* committimus. Ipsum autem *Jehovam* *Elohim*, *Patrem*, *Filium*, & *Spiritum* *Sanctum*, ardentibus suspiriis in partes vocamus, ut quemadmodum olim ab aeterno *Mysterium* *Incarnationis* in *Mente* *sua* per *Sapientiam* *infinite* constituit, in *Voluntate* *sancta* *firmis* *decretis* *propofuit*, in *tempore* *post* *lapsum* *Protoplastis* *verbis*, quoad *sonum*, *brevibus*, quoad *sensum*, *gravibus*, vereque *sufficientibus*, per *gratiosam* *revelationem* *expofuit*, ita *Spiritu* *suo* *sancto* *nos* *gubernare*, *sua* *lucē*, *mentes* *nostras* *obscuras* *illuminare*, *voluntates* *nostras* *inflammare*, *corda* *pariter* *inhabitare*, *cogitationes* *in* *via* *veritatis* *conservare*, *meditationes* *dexterimas* *subministrare*, *convenientes* *voces*, atque *phrases*, *suppeditare*, *clementissime* *velit*, quo *praesens* *institutum* *sit* *Deo*, cum primis *Immanueli* *nostro*, *Gloriosum*, *Divinae* *Veritati* *consentaneum*, *Verbo* *revelato* *collaeteum*, *Historiae* *Paradisiacae* *Homogeneum*, *Incarnationis* *Mysterio* *conformatum*, *nobis* *hominibus* *proficuum*, & *fructuosum*, per & *propter* *Semen* *Mulieris*, *Aeternum* *Dei* *Filium* *Incarnatum*!

I. *Incarnationem* *Filii* *Dei* *si* *quis* *Mysterium* *Mysteriorum* *dixerit*, a *vero* *nihil* *quicquam* *aberrabit*. Nam *vere* *Mysterium* *Mysteriorum* *est*, tum *a* *priori*, tum *a* *formali*, tum *a* *posteriori*. Dicitur *a* *priori* *Mysterium* *Mysteriorum*, dum non aliunde, quam ab *admiranda* *Dei* *sapientia*, ab *infinite* *Dei* *potentia*,
ab

ab

ab immensa *Dei Misericordia*, vel *Benevolentia*, non equidem vulgari, sed maxime *singulari modo*, suos ducit natales. Nemo tale quid indagare potuisset, nisi *Sapientia Dei*, prorsus incomprehensibilis, hoc *Mysterium* & ordinare, & revelare voluisset. Nulla *finita virtus*, & *potentia*, circa *Mysterium* hoc aliquid vel tentare, vel præstare valuisset, nisi *Deus*, *apud quem non est impossibile verbum ullum*, factum ullum, *Luc. I, 37. novum hoc creare*, *Jer. XXXI, 22.* clementissime constituisset. Nulla *creata voluntas* hoc *Mysterium Mysteriorum*, tanquã veritati consonum, velle potuisset, aut unquam voluisset, nisi divina *Benevolentia*, seu *voluntas ordinatissima Dei* talem *Incarnationem* verè decrevisset, & nostram ad salutem prædefiniisset. Dicitur à *formali Mysterium Mysteriorum*, quia totum totum est. (a) τὸ μυστήριον. (b) τῆς εὐσεβείας μυστήριον. (c) τὸ τῆς εὐσεβείας μυστήριον. (d) μέγα τὸ μυστήριον. (e) ὁμολογημένως τὸ μυστήριον, teste *Paulo I. Tim. III. 16.* Est *Mysterium Mysteriorum* quoad *quidditatem*, quia *principiis omnibus, partibus omnibus, respectibus omnibus*, nihil nisi τὸ μυστήριον est: quoad *quantitatem*, quia μέγα τὸ μυστήριον est; quoad *qualitatem*, quia *Mysterium ὁμολογημένως*, ab omnibus *cognitione* mentis intelligendum, vera *fide cordis* concipiendum, plena *cupiditate voluntatis* appetendum, *perpetua memoria* custodiendum, *grata lingua*, pleno pariter *ore*, si non dignis, quod impossibile nobis, tamen *devotè præconiis* celebrandum, & glorificandum; quoad *relationem*, quia *meram respicit εὐσεβειαν*, cum omni respectu sit τῆς εὐσεβείας *mysterium*: quoad *activitatem*, quia *veram, & meram*, in nobis *pietatem* operatur. Tandem est *Mysterium Mysteriorum* à *posteriori*, quia cuncta *Mysteria Theologiæ* totius, non aliunde, quam ab hoc *Incarnationis Mysterio* suam trahunt *originem*. Posito *Mysterio* præsentis *Incarnationis*, ponuntur omnia reliqua *regni celorum Mysteria*. Remoto, vel *Destrueto* mirabilis *Incarnationis Mysterio*, pariter omnia gratiæ, cuncta *salutis Mysteria* nobis post lapsum evanescere necessum habent. Ex hoc *Mysterio* patet *Christus*, viget *Christianus*, floret *Christi. nismus*, viret tota *Christianorum Ecclesia*. 2. Totu

4 DE VERITATE MYSTERII INCARNATIONIS

mobi 2.00 Tota Scriptura proinde nihil aliud est, quam **unus**
continuus, vereque **magnus Incarnationis Commentarius**, (a) quia
 sicut **Matthæi liber** dicitur; & insignitur **βίβλος εὐαγγελίου**, vel
εὐαγγέλιον τῆς ἰησοῦ χριστοῦ, de **Jesu Christi Incarnatione**,
 vel **Christo Incarnato**, sic idem de tota scriptura **Novi Testamen-**
ti dicendum; nec aliud de tota scriptura **Testamenti Veteris**
 asserendum. (b) quia **Christus ipse generatim**, de tota scriptu-
 ra hoc affirmat, **Job. V. 39. Scrutamini scripturas, quia vos putatis**
in illis vitam eternam habere, & HÆ SUNT, QUÆ DE ME TE-
STANTUR. Magnum hoc de **Christo Incarnato Testimonium**,
 verum infert de **Incarnatione Commentarium**, (c) quia specia-
 tim hoc dicitur de **Mose**, sicut ipse **Christus** dicit **Judeis**, **Job.**
V. 46. Si crederetis Mose, crederetis & Mibi: DE ME ille scripsit;
 & **Petrus: HUIC OMNES PROPHETÆ** testimonium per-
 hibent, **Act. X. 43. Philippus**, inter primos **Christi discipulos Na-**
thanaelem, ad **Scholam Messie**, vocans, dicit, **Job. I. 45. Quem**
scripsit Moses, & Propheta, nos invenimus, JESUM à Nazareth,
Josephi Filium, h. e. verum Messiam. v. 41. Et hoc est Evange-
lium Jesu Christi, Marc. I. 1. vel ut loquitur Paulus, Rom. I. 1. 2. 3.
Evangelium Dei, quod antea promiserat per Prophetas suos in scri-
pturis sanctis, de FILIO SUO, qui NATUS est ex SEMINE David se-
cundum CARNEM, h. e. de FILIO INCARNATO, vel Eius
INCARNATIONE. (d) quia **Messias** etiam in **V. T.** testatur
 idem, **Psal. XL. 8. Ecce venio (per Incarnationem) IN VOLU-**
MINE LIBRI scriptam est DE ME, ut facerem, (per passionem,
 & mortem, hoc est veram satisfactionem) voluntatem tuam.

(e) quia juxta **Doctores omnes scripturae litera**, non tam **atra-**
mento, quam **sanguine Christi cruento** dicuntur esse scriptæ, qui
sanguis incarnationis est, dñi, sicut pueri communicaverunt carni &
SANGVINI, sic ipse quoque, particeps factus est ejusdem. (f) quia de
Christi Incarnatione testatur tum **scripturarum initium**, **Gen.**
III. 15. tum continuum scripturarum curriculum, dum Christus In-
caratus, est potissimus totius scripturae, vel sensus, vel nucle-
us; tum scripturarum signaculum, dum Apoc. XXII. v. 16. vers
mobi 2.00 penulti-

penultimo, vocatur *Jesus*, & ultimo, *Dominus Jesus Christus*, quæ nomina sunt *Inarnationis*: nam puer incarnatus appellatus est *Jesus*, in circumcissione, *Luc. II. 21.* & ab angelo in prima conceptionis annunciatione, *Luc. I. 31.* in conceptionis confirmatione, *Matth. I. 21.* Præco verò Natalitius Angelus, hæc omnia tria notabilia, vereq; finalia *Apocalypscos* nomina, (*Gratia DOMINI nostri JESU CHRISTI sit cum omnibus Vobis, Amen.*) in Nativitatis præconio, Pastoribus *Betlehemiticis* facto, *Mysterio Inarnationis* primùm adsignavit: *Nolite timere: Ecce, Evangelico vobis Gaudium magnum, quod erit omni populo, quia natus est vobis hodie Salvator, (Σωτήρ JESUS) qui est CHRISTUS, DOMINUS in civitate David, Luc. II. 10. 11.*

3. Nos impræsentiarum potissimum ad *Historiam Paradisiacam* respiciemus, & *Meditationes de Inarnatione Filii Dei Genethliacas* instituemus, (1) quia dulcius, imò purius, planius, & plenius, ex ipso fonte bibuntur aquæ, & quod alias, de naturalibus aquis, vulgo dicitur, illud etiam ad *supernaturales aquas* divinx sapientiæ non inconvenienter accommodatur: citra dubium autem *Fontes Inarnationis* in *Protevangelio* deprehenduntur. (2) quia *Protevangelium* nihil aliud est, quam *fecundissima*, vel *abundantissima* scaturigo, ex qua cuncti sive rivuli, sive canales, singularem revelationum, & promissionum, *Veteris*, & testimoniorum *Novi Testamenti*, vel etiam omnia librorum *Propheticorum*, & *Apostolicorum* flumina, *Mysteria de Inarnatione*, facili, feliciq; cursu, moventia, vehentia, vel etiam ad corda fidelium fundentia, copiosius promanant, & ad *Mare Genethliacarum meditationum*, & *collectionum*, concurrunt. (3) quia *Protevangelium*, in *Historia Paradisi* reperitur, quod vere dicitur *Centrum*, ex quo deductæ sunt omnes *lineæ Mosaicarum*, & *Propheticarum prædictionum*, & *promissionum*, de *Messie Inarnatione*, ut & omnium clarissimarum *Testificationum*, apud *Evangelistas*, & in *scriptis Apostolicis* sunt deductæ, donec *Circulus totus divinarum Revelationum*, in *Codice Biblico* consummatus est. (4) quia primum in quolibet genere di-

6 DE VERITATE MYSTERII INCARNATIONIS

citur esse *norma*, vel *regala* sequentium: ergo quoque *prima* *Mysterii Incarnationis revelatio* sic optima *norma* poterit esse reliquarum *revelationum*, omnium *piarum meditationum*, omnium etiam *Theologicarum commentationum*, (5) quia satis *ordinate*, satis *accurate*, satis *perspicue*, satis *perfecte*, nobis omnia *principalia*, vel *Doctrinalia* *Mysterii Incarnationis capita*, secundum *Historiam Paradisiacam*, vel *promissionem primam*, non citra veram admirationem exhibentur.

4 Ut igitur in hoc arduo negotio, *summoq;* *Fidei Christiane Mysterio*, feliciter procedamus, ideo certam methodum eligimus, ut & *εὐμεθόδως*, & *εὐδαμονώς* laborem hunc sacrum expediamus. Notabimus igitur I. *Paradisiacam Incarnationis Veritatem*. II. *Paradisiacam Incarnationis Quiditatem*. III. *Paradisiacam Incarnationis Qualitatem*, vel *Proprietatem*. IV. *Paradisiacam Incarnationis Activitatem*. V. *Paradisiacam Incarnationis Utilitatem*. DEUS adsit *Flamine Sancto!*

5. Quod igitur attinet *Paradisiacam Incarnationis Veritatem*, illā, quoad *Existentiam*, quadrupliciter considerabimus, (1) *Ratione Principii*, vel *DEI*, quod revera *ratione Dei paradisiaca Veritas Incarnationis* existat. (2) *Ratione sui*, vel *Objecti*, quod *in se veram Existentiam*, aut *existentem Veritatem* obtineat. (3) *Ratione Modi*, quod *Modus ipse Veritatem* nobis evidenter ostendat. (4) *Ratione Medii*, quod *ratione Verbi*, vel *Divinae revelationis*, *Mysterium Incarnationis* in *Historia Paradisi suam Veritatem* obtineat. (5) *ratione scopi*, vel *nostri*, quod nobis etiam in *Verbis Mysterium incarnationis* pateat, adeoque nobis etiam h.e. nostrae *cognitioni*, *fidei*, *confessione*, *meditationi*, *celebrationi*, & c. in rei veritate sufficienter existat.

6. *Ratione Principii*, vel *Dei*, quod in *Historia Paradisi Mysterium Incarnationis* existat, non uno modo confirmari potest, (1) *Ex aeterno Incarnationis Decreto*, quia *Deus ab aeterno missionem*, vel *Incarnationem Verbi*, seu *Filii sui*, decrevit, quoniam *λόγος* externus, & *προφορικός*, praequirat in Deo *λόγον internum*, vel *ἐνδιάθετον*, *λόγος* verbalis, *λόγον Mentalem*, *λόγος* externa *revelationis*, *λόγον interne constitutionis*: jam quaecunq;

cunq;

cunqve Deus ab aeterno decrevit, illa suam aeternam habent
 veritatem, cum Deus neque possit, neque velit non verum decer-
 nere: Semen autem mulieris Deus ab aeterno decrevit, sicut
 patet ex presenti promulgatione, verbis Dei, vel Scripturae Sa-
 crae frequenti testificatione: Ergo. (2) Ex Dei verbo, quia Deus
 ipse disertis verbis de Semine mulieris loquitur, vivisque co-
 loribus illud ita describit, ut statim ex predicato pateat, hoc
 Semen mulieris esse verum Jeboram, sicut etiam mox, c. IV. i. lu-
 culenter satis id Eva declarat. Quod igitur in Dei verbo, tan-
 quam Objectum reale legitur, & vere proponitur, illud etiam
 vere dicitur existentia, cum Dei verbum sit veritatis verbum,
 Col. I, 5. imò veritas ipsa. Job. XVII. 17. (3) Ex Dei promisso, quia
 Dei promissiones omnes sunt *Na, Na, & Amen*, II. Cor. I. 20. adeo-
 que non de vanis, sed veris, non verbalibus, sed realibus, obje-
 ctis fiunt, cum sola pro rebus verba dare, non sit promittere, sed
 decipere: jam autem promissio seminis mulieris ita fundatur in
 Protevangelio radicaliter, ut vere sit seminarium totius Veteris
 Testamenti, quod propterea tempus promissionum, Actor. VII. 17.
 appellatur, & totus divinarum promissionum thesaurus, ex hac ori-
 ginali promissione succum, & sanguinem, omnem veritatem, & fir-
 mitatem, obtinere pronuntiatur. Certum autem, quod funda-
 mentum omnium promissionum suam veram, & realem habeat
 existentiam. (4) Ex Dei vel typo, vel exemplo, quia multi Docto-
 rum, & Interpretum sunt in hac sententia, quod Deus, vel i-
 pse Dei Filius, in visibili forma, tanquam Orator SS. Trinitatis,
 tum temporis Protoplastis apparuerit, visibile iudicium coram
 primis humani generis factoribus, illis temporibus totum ge-
 nus humanum repraesentantibus, instituerit, sicut olim hic
 Pantocrita juxta testimonium Abrahami, Gen. XIX, 25. finaliter
 universum genus humanum iudicaturus est, Matt. XXV, 31. postea
 visibiliter in assumpta forma, tanquam Evangelista primus, & pri-
 marius, promissionem Seminis mulieris Evangelicam, vel ipsius In-
 carnationis promulgaverit, in eadem visibili forma prima pra-
 ludia muneris triplicis, suscepit, nimirum. Prophetici, quoad prophe-
 ticam

8 DE VERITATE MYSTERII INCARNATIONIS

ricam mysteriorum, & aliorum eventuum, predictionem, & revelationem, Sacerdotalis, quoad visibilem primi sacrificii maculationem, & oblationem, ac rituum sacrificialium, per totum V. T. tractum adhibendorum, Deo gratiarum, demonstratione; Regii, quoad inimicitiarum, contra Satanam positionem, militiarum spiritualium institutionem, Ecclesia Militantis foundationem, capitis serpentini contritionem, majorem Satanae maledictionem, & condemnationem, hominum in gubernationem suam, & defensionem regiam receptionem, eorum per vestimenta protectionem, veramque rerum aliarum provisionem, &c. quibus, & multis aliis, vivum Incarnationis futurae typum, vel prefigurationem apertam manifestavit, & cum protoplastis primum festum Genethliacum, ad informationem, & consolationem ipsorum celebravit.

7. Ratione Rei, vel Objecti, quoque non desunt indicia, vel argumenta Incarnationis Messiae, sicut patet, (1) ex notabili nomine, quia *Jehova Elobim* in gratiam & revocationem, vel etiam restitutionem hominis apparuit, verbaque gratiae, cum Protoplastis peccatoribus miscuit, & sic omen ipsis gratiose vel apparitionis, vel Incarnationis futurae, ceu miserè corruptis, exhibuit. (2) ex notabili nomine, quia *semen Mulieris futurum, & venturum*, dicitur, & sub magno Nomine, vel pronomine *ΝΥΠ*, κατ' ἔξοχην accepto, (quod alias juxta Nonnullos Philologos, & Theologos, proprium Dei nomen dicitur) proponitur, ac ille *Magnus ΝΥΠ* cum *Semine mulieris* Idem constituitur, & vere *caro*, vel *Incarnandus* perhibetur, nim. *Deus & Homo*, verus *Ἰεσὺς θεοπαις*, seu *Dei Filius Incarnatus*. (3) ex notabili connexion: mirabilis certè connexion subjecti mirabilis, & predicati mirabilis, hic cernitur, dum subjectum est *Homo*, vel *Semen mulieris*, prædicatum autem *contritio serpentini*, vel etiam *Diabolici capitis*, quæ non *humana*, nec *angelica*, sed *divina virtutis*, subjectum igitur iterum dicitur *verus*, sed non *merus homo*, quia propter prædicatum, ejusque nexum, simul *Deus* est, & sic vere *Deus incarnandus*, vel in *Dei Decreto*, seu *promisso*, jam *incarnatus*. (4) ex notabili virtute, vel proprietate, quia *semen mulieris caput serpentis seductoris*,
& Ca-

PARADISIACI, EX GEN. III.

& Cacodæmonis conterere dicitur, quod nec est *finita sapientia*, nec *finita potentia*, nec *finita*, respectu peccatoris hominis, *gratia*, vel *misericordia*, nec *finita*, vel *creata Majestatis*, & *eminentia*: qua de causa mera *privilegia*, vel *axiomata Deitatis* hic inveniuntur, & vera fide conspiciuntur, dum *opus virtutem*, *actus potentiam* prærequirit; jam immediate *virtus infinita*, vel *omnipotentia* necessaria dicitur in hoc opere, mediate vero *reliqua Deitatis attributa* connotantur, cum de *similibus simile* ferendum sit iudicium, & cui competit unum *attributum Dei*, eidem ut propter *identitatem reliqua* pariter attribuuntur, necessum est. : Deus igitur in *Attributis* suis est *Semen mulieris*, h. e. *verus Homo*, vel *Incarnatus*. (5) ex *notabili opere*, quod est *conteritio capitis Diabolici*, de quo tamen opere nec *integer commentarius* sufficeret, si juxta scripturam omnia *documenta realia Incarnationis Existentis* colligere vellem: breviter saltem *unum ex* contextu, ac *unum ex* locis parallelis producemus. Ex *textu* confirmat *Existentiam Incarnationis operatio* realis *Incarnati*, cum non *Entis* nulla detur *operatio*: Jam *Filius Dei*, ceu *Semen mulieris*, *conterere* dicitur *caput serpentis*, non tam quia *Deus*, quod alias per se patet, cum ipse *Filius Dei*, tanquam *verus Deus*, sit *Cacodæmonis Dominus*; quam prout *Homo*, vel *Semen mulieris*, quod omnibus mirabile, nim. hominem, nunc corruptum esse sine semine Diaboli, purum & incorruptum *Semen mulieris*, & sic *corruptum* fieri prorsus *incorruptum*, & *immaculatum semen humanum* esse cum *Deitate* personaliter unitum & quasi *Deificatum*, esse *divina sapientia*, *potentia*, *majestate*, vel *eminentia* præditum, sicque *divinis axiomatibus*, & *operationibus* exornatum, in *thronum & Dominium Dei* collocatum, &c. & ipsius *humani generis Domini*, vel *Tyranni*, *Cacodæmonis*, vel *serpentis paradisiaci Dominum*, ac indefinenter ejus *caput conterere*, *potestatem omnem* frangere, & non tantum sibi, sed etiam sibi *fidelibus* subicere. Hoc certe *Miraculum Miraculorum*, omnium *mirabilium Mirabilissimum*, summum omnium *Mysteriorum Mysteriorum* est. Ex *locis parallelis* unicum producimus *locum*, nostro prorsus *collectum* I. Joh. III. 8. *In hoc apparuit Filius Deus, ut dissol-*

Solvat opera Diaboli: qui locus cum nostro prorsus identificatur, & ratione *subjecti*, & ratione *predicati*, & ratione *modi*, & ratione *motivi*, vel aliis etiam *respectibus*: *Motivum Incarnationis* est *internum*, & *externum*: *internum* gratia, misericordia, *charitas* Dei, respectu *generis humani*, propter peccatum in extremam *miseriam prolapsi*, quam *charitatem* *historia Paradisiaca* nobis manifestat *reali Dei comparitione, vocatione, promissione, &c.* *Johannes* autem hanc *charitatem* satis admirari nequit, ideo sic statim ab initio *capitis*, vel *sermonis* exclamat, *Videte, qualem charitatem nobis dedit Pater, ut Filii Dei nominemur, &c. v. 1. & v. 2. Charissimi nunc Filii Dei sumus: & nondum apparuit, quid erimus. v. 5. Et scitis, quia ille apparuit, ut peccata nostra tolleret. Motivum externum, est peccatum, & humani generis miseria, vel malum, quod non tantum in verbis mediatis, sed etiam immediate precedentibus inculcat, eod. vers. 8. Qui facit peccatum, ex Diabolo est: quoniam ab initio Diabolus peccat, inde nim. à temporibus paradisiacis. Motivum hoc etiam historia Paradisi clare satis aperit, sicut totus contextus ostendit, qui lapsum protoplastorum primum describit, & multis exponit. Modum verbum, *Apparuit*, includit & *incarnationem* evidenter introducit, ἐφανερώθη dicit textus *Græcus*, quod verbum alias *Incarnationis* est, sicut *Paulus* inquit I. Tim. III. 16. quod magnum sit ὁμολογούμενος pietatis *Mysterium* θεός ἐφανερώθη ἐν σαρκί, *Deus manifestatus est in carne, vel incarnatus* est, verè semen mulieris est. *Predicatum* vere vocatur *identicum*, quia dicitur, quod ex hac apparitione, vel *Incarnatione* fluat *Operum Diabolicorum dissolutio, vel destructio*, quæ generaliter dicitur esse *duplicis generis, malicia nim. & miseria, peccatum, seu flagitium, & peccati supplicium, peccatorum statutum habitualis, quoad habitualement naturæ corruptionem, vel peccatum originis; tum actualis, quoad actualem peccatorum perpetrationem, vel peccatum actuale*: hæc autem *operum Diabolicorum dissolutio* nihil aliud est, quam *serpentina, vel Diabolici Capitis contritio* vel *omnis auctoritatis potestatis, & activitatis, respectu nostri, sublatio*. Denique maxima quoque *conformitas, respectu Subjecti, reperitur, quia**

quia

quia dicitur à Mose, *Mulieris semen*, à Jobanne, *Filius Dei*, quoad prius, *semen mulieris conteret Caput serpentis*, quoad posterius, *Dei Filius dissolvit opera Diaboli*; idem *Subiectum totale*, vel *suppositivale*, nim. *Incarinati tota persona*, cui tribuitur *officialis hæc operatio*, cum *Actiones*, & *passiones* sint *suppositorum*; idem *subiectum partiale*, quod, juxta *Protevangelium*, ab *humana Natura*, sed, quoad *Jobannem*, à *Divina Natura* denominatur, verū, quoad illud, non *collective*, sed *bypostatice* de uno tantum *Individuo* sumitur, sicut exponit *Paulus*, *Gal. III. 16.* quoad hoc non *natura Patris ingenta*, neque *Natura divina procedens Sancti Spiritus*, sed *solius Filii natura divina genita* supponitur, quia disertis verbis dicitur; *Non Pater*, vel *Spiritus Sanctus*, sed *solus Dei Filius* in hoc apparuit, ut *dissolveret opera Diaboli*.

8. Ratione *Modi* quoque confirmatur *Incarnationis Existentia*. Nam posito modo, ponitur *modi subiectum*, cum ab hoc ille dependeat, & ubi nullum est *subiectum*, ibi nec *modus* locum obtinet: negato *materiali*, negatur *formale*, cum *formale* dicatur *Materialis formale*: *Modus* autem illustris, *formale* quoque dicitur illustre, nec aliter in textu describitur, vel introducitur, sed ostenditur (1) *Inimicitiarum inter semen serpentis, & semen mulieris positio*, vel *Spiritualis Militia*, *inimicitias ponam inter te, & mulierem, & inter semen tuum, & Semen illius*, scil. *Mulieris*. (2) *Seminis mulieris passio*, vel, quoad *calcaneum à serpente passio*, seu *spiritualis pugna*, quia non *caput*, non *corpus*, non *manus*, non *pedes* tollit, sed *calcaneum* solum lædit, *Tu conteres calcaneum*. (3) *Serpentini Capitis Contritio*, vel *Illustris seminis Mulieris Victoria*, quia non tanget, neque lædet, nec teret, vel aliis modis modis damnū afferet, sed prorsus *conteret Caput Serpentis*. Hæc omnia prærequirunt *Incarnationem*, vel *ejus Existentiam*, cū non *Entis* nulla sit *operatio*, nulla *relatio*, nulla vel *inimicitia*, seu *militia*, nulla *pugna*, nulla *victoria*. *Jehova Elhim* solus hæc dicebat, hæc promittebat, has *inimicitias* ponebat, hanc *contritionem* perficere valebat sed nec sine *homine*, nec sine *mulieris semine*, non sine *Goete* nostro, nec sine *calcaneo*: sicut ergo *Jehova* solus hæc præstare non debebat, sic

homo nudus illa præstare non valebat; Jehova Elobim Incarnatus igitur illa consummare suo tempore volebat. Si modum Seminis Mulieris quoque paulo plenius exponere vellemus, & hinc conceptionem, ratione formalitatis seminis & nativitatem, ratione necessariæ materialis consecutionis, relationis, & connexionis multis urgere possemus, ut inde confirmaretur Incarnationis Existentiæ, sed talia nunc argumenta dimittimus, evidentiam autem Incarnationis Existentiæ non obscurius inde conspiciamus.

9. Ratione *Medii* quoque non desunt hic *argumenta* veram *Incarnationis Existentiæ* convincentia. *Medium Incarnationis* dicitur *Dei Verbum*, quod certe tum *generaliter*, tum *specialiter Existentiæ* hanc corroborat. Quod enim hic introducatur *Dei Verbum*, apertum satis est, dum hic audimus *Jehovam Elobim loquentem: Et ait Jehova Elobim ad serpentem: & sentimus loquentem sonantem*, sive legatur, sive prædicetur hoc ipsum *Jehova verbum*, cum vere sit *sonus exiens* in terram omnem, Psal. XIX. 5 & legimus, vel percipimus *sermonem informantem*, *Inimicitias ponam, &c. Semen Mulieris conteret caput tuum.*

10. Quod vero *generaliter Verbum* hoc *Dei* nostram *Existentiæ*, *Mysterii* vid. *Incarnationis*, confirmet, multis probari posset (1) *quia cuncta Dei verba non sunt vana dicta, sed vere facta, non sunt nuda ῥήματα, sed realia πράγματα.* Conf Gen. I. 3. seqq. (2) *quia Dei verba non fiunt de nihilo, sed de vero quodam objecto, non de non Ente, sed de vero Ente.* (3) *quia verba Dei sunt ipsa Veritas, Job. XVII. 17. Ubi datur veritas, ibi non datur nullitas, sed ipsamet Entitas, seu vera quidditas, cum Veritas suo modo sit consequens Entis, & necessario Verum ipsum Ens prærequirat, & præsupponat* (4) *quia tantæ fuit activitatis, & causalitatis, tantæ pariter penetrabilitatis hoc Paradisiacum Dei verbum, vel Incarnationis Medium, ut & Diabolus in eo simpliciter acquiescere, vel prorsus obmutescere necessum habuerit; sic etiam protoplasti peccatores per illud veram penitentiam agere, pœnitenter per veram fidem Diabolum deserere, peccatum in vera contritione rejicere, confidenter ad DEum se*

reci-

recipere, firmiter suum *Mediatorem*, & *Redemptorem* Incarnandum apprehendere, seque totos per cordis *fiduciam* illi committere, *remissionem peccatorum*, *justitiam*, & *salutem*, in eodem accipere potuerint. Hoc igitur *energeticum* verbum *Existentiæ Incarnationis* maxime confirmatam *protoplastis* reddidit. Sic etiam *Protevangelium*, citra dubium omne, generale dicitur *Incarnationis Existentiæ* Fundamentum.

II. Quod *Verbum* hoc etiam *specialiter Incarnationis Existentiæ* demonstret, illud itidem est manifestum (1) *quia* dicitur *Verbum Natalitiæ revelationis*: revelatio vero dicitur *Entis*, vel *Existentis*, vel *existentiam* suo tempore habentis. (2) *Verbum Natalitiæ Commendationis*, *quia* maxime commendatur nostris *protoplastis* Semen mulieris, tanquam *Summus*, *Maximus*, & *Optimus* Alexander, qui malum omne propulsare, bonum omne restaurare debebat: jam commendatio non est vel *Non Entis*, vel *plane non existentis*. (3) *Verbum Natalitiæ restificationis*, *quia* privum hoc, & magnum est ipsius Dei, vel *Jehovæ Elohim*, de *Incarnatione Filii Dei* testimonium: testimonium autem non datur de rebus nihili, vel non existentibus. Conf. Marc. l. 20. Luc. I. 26. seq. &c. (4) *Verbum Natalitiæ annunciationis*: primum hoc, & antiquissimum est *Evangelium*, & quidem *Evangelium Genethliacum* de *Messia*, vel *Dei Filio* in plenitudine temporis *Incarnando*: sed *annunciatio* dicitur rei, vel de *præterito*, vel de *præsenti*, vel de *futuro*, suam veram *Existentiæ* habentis. (5) *Verbum Evangelicæ confusionis, concussionis, contritionis*, respectu *Diaboli*: *qualis* victoriosa, vel *confusio*, vel *concussio*, vel *contritio*, tanquam *actio vera*, *principium verum*, & *existens*, vere necessario dicitur exigere, quod est *Incarnatus Dei Filius*, vel *ejus Incarnatio*. (6) *Verbum Evangelicæ, vel informationis, vel cum Deo reconciliationis, in viam revocationis, veræ conversionis, regenerationis, justificationis, sanctificationis* &c. quæ singula nostris *Protoplastis* per hoc *Protevangelium* contigerunt. Hæc autem omnia præsupponunt *Messiam Incarnatum*, & *Existentiæ Incarnationis* ejus. (7) *Ver-*

bum Natalis, vel Evangelicæ consolationis, confortationis, confirmationis, consummationis, salvationis, & glorificationis, quæ pariter ex Incarnatione fluunt, & Existentiæ ejus inferunt. Sic igitur luculenter satis apparet, quod etiam ratione Medii divini confirmetur Incarnationis Existentiæ. Hoc etiam de Medio ratione nostri, vera fide scilicet stabiliri posset; sed hæc de Medio sufficient.

12. *Ratione Finis, & scopi, quoque fundatur Incarnationis Existentiæ, tum rationis finis cuius, sic hoc loco reperitur Incarnationis vaticinium, & promissum, & finaliter tendit in verum Incarnationis complementum: Jam vaticinium, & Promissum confirmat Existentiæ Incarnationis, & idem multo magis præstat ipsum complementum: Quod Vaticinium hanc confirmet, vel ex eo patet, quia vaticinia sunt Dei, simplicisque veritatis, & infallibilitatis. Promissum etiam, quia non est humanum, sed divinum: promissiones autem divinæ sunt Ne, Ne, & Amen. II. Cor. I. 20. & non possunt non esse realis existentiæ, licet futuræ, quia notum, quod Deus nec fallere, nec falli queat: & alias dicitur, quod promissum etiam apud homines in debitum cadat; multò magis igitur hoc de promissis divinis est dicendum: notum præterea, quod coram Deo nulla detur temporum, vel rerum variatio, sic igitur illa, quæ ratione nostri, vel ratione sui, cetero tempore sunt extitura, ratione Dei sunt tanquam realiter existentiæ, quod in primis de Mysteriis divinis in univèrsum, & maxime de Mysteriis Christi, vel Incarnationis, concedendum, quia Jesus Christus est idem, heri, & hodie, idem & in secula. Heb. XII. 8. Sic & Dei futura præsentia sunt, & præscientia, vel prophetia, ratione Dei, suo modo certam Existentiæ importat. Complementum tandem Incarnationis in fide maxima certitudine viderunt protoplasti, jam fideles, sicut Eva, mater omnium, confidenter exclamarit: Acquisivi, vel possedi Virum Jehovah, vel Jehovah Incarnatum Gen. IV. 1. & sic veram Existentiæ Incarnationis confirmavit.*

13. *Tum ratione finis cui, vid. ratione Nostri, quia propter nos, & nostram salutem, Protoplastis, vel etiam toti humano generi, facta hujus Incarnationis promissio, veram Existentiæ indi-*

cans

cans (1) ratione *spiritualis cognitionis*: quod enim Protoplasti, tanquam summum bonum, tanquam maximum donum, tanquam optimum nuncium, cognoscere debuerunt, illud certè respectu tali non ut non existens, sed mystice tanquam existens, consideratur, dum cognitio spiritualis in vanis speculationibus neque consistit, nec acquiescit, sed objectum verum, & reale requirit, in quo veras, & reales delicias, inprimis contra peccatum invenire possit. Messiam enim Incarnandum vere Protoplasti cognitum habuerunt *Gen. IV. 1.*

14. (2) Ratione *spiritualis, & fiducialis apprehensionis*, quia Protoplasti per ipsum *Protevangelium* vere crediderunt in *Messiam Incarnandum*, sine quo nec veram *penitentiam* agere, nec veram tristitiam ad Deum *II. Cor. VII.* habere, nec ad justitiam credere, neque per bonum fidei perpositum à peccatis desistere potuissent. Talis igitur *Messia fiducialis apprehensio* *Mysterium Incarnationis* supponit, cum non Entis nulla sit apprehensio.

15. (3) Ratione *spiritualis, & fiducialis meditationis*, quod enim frequentissima fuerit Protoplastorum de *Messia*, vel *cogitatio*, vel *meditatio*, patet *tum* ex perpetua peccatorum præsentia, *tum* ex pristini status memoria, *tum* ex jugi penitentia, *tum* ex unius hujus Medici, vel etiam pharmaci, notitia, *tum* ex abrupta *Eve μαρτυρία*, quia cum puerpera suum primogenitum in lucem edidisset, non sine mentione *Messiae* natum aspexit, nec sine *memoriali* primogenito suo nomen imposuit, nec aliud, nisi *quotidianum Mnemosynon*, in filii nomine, sibi constituit, *שׂן קנתי הוה* *Gen. IV. 1.*

16. (4) Ratione *verbalis, vereque spiritualis Confessionis*, dum ex abundantia cordis os loquitur *Matth. XII. 34.* & sicut corde creditur ad justitiam, sic ore confessio fit ad salutem *Rom. X. 10.* Jam autem femella *Messiae Confessionem* *Gen. IV. 1.* ediderunt, & *Masculi, c. V. 29.* & quidem cum relatione ad *Incarnationem*, sicut ex ipsis verbis, & textus circumstantiis apparet: *Confessio* vera certo, vel infallibiliter, veram *Existentiam*, quoad *Incarnationem*, exigit.

17. (5) Ratione *publicae praedicationis*, quia Patriarchae fuerunt *Messia*

Messia

Messie, Praeconi primi, vereque *principalis*, *Ministri*, seu *Vicarii*, qui *Legem, & Evangelium*, publice praedicare, suisque domesticis, & aliis inculcare debuerunt. Imitati vero sunt in *Evangelicis Concionibus* ipsum *Protevangelistam*, ipsum *Messiam*, qui de semine mulieris, vel *Dei Incarnatione*, primam *Concionem Evangelicam* habuit. *Primum* in quovis genere dicitur *principium*, & *norma* sequentium. Ut igitur *norma*, vel *concio prima*, proposuit *Incarnationem Messie*, sic idem de reliquis concionibus sequentibus dicendum. *Publica vero praedicatio* non aliam, quam *veram, & realem* objecti sui requirunt *Existentiam*.

18. (6) *Ratione continua propagationis*, quia propterea *revelatio Messie* facta dicitur, ut omnibus *fidelibus, & summis, & imis, & senioribus, & junioribus, & masculis, & femellis, & pueris, & aetate provecis, & adolescentibus, & virginibus, & eruditis, & idiotis*, inculcarentur, & sic omnibus in univrsum inculcarentur: nam ut omnes sunt peccatores, ita pariter omnes sunt *Cacodaemonis* in peccato sodales, & sic omnes etiam, propter inimicitias, à *Diabolo commotas, & à Deo suo modo per Messiam confirmatas, Messia, vel Semine Mulieris, opus* habent.

19. (7) *Ratione spiritualis celebrationis, glorificationis, exultationis, &c.* quae pariter cum aliis *Existentiam Incarnationis* tempore *Protoplastorum* cognitam, & creditam fuisse, luculenter, & sufficienter demonstrant. Alia documenta nunc dimittimus.

20. Operose nunc etiam adversam sententiam nonnullorum *Scholasticorum, Pontificiorum, Reformatorum*, cum primis autem *Socinianorum, & Arminianorum*, & ipsorum etiam *Novatorum*, adducere, vel etiam refellere possemus; sed hoc modo non est instituti nostri, nec etiam angustia pagellarum id permittit, & reliqua nostrae tractationis capita neutiquam id concedunt. Nec etiam *obscure* tantum *Incarnatio*, vel alia *Messie Mysteria*, sunt *protoplastis* revelata, vel etiam sine determinatione *Naturae Humanæ, & Divinae*, sicut nonnulli volunt. Nam aperta verba legimus, manifestam cognitionem, & fidem *Protoplastorum* deprehendimus, neutiquam igitur de aperta revelatione dubitare possumus.

Sic honor & virtus multo sudore
parantur,
Sic ad virtutem tendere fata ju-
bent.

Perge bonis avibus doctas adamare
Camænas,

Perge inquam venient præmia
digna tibi:

Ingeniumque tuum vivet ceu vivi-
da laurus.

Quod superest, votis omnia fau-
sta precor.

Hæc gratulabund. adjecit.

PRÆSES.

Nil juvat in Doctis tucitè latitasse Lycæis,
Si tibi contingat lingua sonora domi

Hæc

Hæc animant, animos acuunt Gymnasmata multum
Perficiunt, faciunt ut videarê sciens
Dumqve pium sacris Tuâ re sic' destinat armis
Cura. Tibi pretium destinat Eusebia.

M. Paul. Berger.

MI Wünschî, Christi mysteria perspicis alta,
Sic paradisiacum ritè colendo forum
Æternæ quisqvis pertractans foedera vitæ
Olim aliquando feret, præmia sacra Dei.
En Tibi respondent ex voto singulæ fausta
Hoc etiam votis expeto mente piâ.

Sic fido animò presens specimen gratulatur.

M. Joh. Georg. Heppe,
P. C. L.

Ingenii genium monstrando disseris aptè
Altis de rebus: grator Amice, Tibi
In,coepti studii stadiò sic perge frequenter,
Venturæ Laudis pondera Musa dabit.
Addito Virtuti flammâs & calcar honori,
Doctrinæqve faces, ingenioqve decus.

*Sic clarissimo Magistro Respondenti, Amico
suo & ex parte de presenti Eruditionis speci-
mine gratulari voluit ac debuit.*

Opponens.

Johannes Brunne mann,
Izehorâ Holsatus.